



ქალაქ ფოთის მუნიციპალიტეტის საკრებულო



განკარგულება № 26/89

2019 წლის 25 თებერვალი

ქალაქი ფოთი

ქალაქ ფოთის მუნიციპალიტეტის საკრებულოს დადგენილების პროექტის „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის მერისთვის შენიშვნებით დაბრუნების თაობაზე

საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ 91-ე მუხლის, მე-4 პუნქტისა და საქართველოს საბიუჯეტო კოდექსის 78-ე მუხლის მე-3 პუნქტის შესაბამისად, ბიუჯეტის პროექტთან დაკავშირებით შენიშვნების არსებობის შემთხვევაში საკრებულო არაუგვიანეს 25 წლის მიზნით ბიუჯეტის პროექტს შენიშვნებით უბრუნებს მუნიციპალიტეტის მერს.

ქალაქ ფოთის მუნიციპალიტეტის საკრებულოს კომისიებს დადგენილების პროექტთან „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“ დაკავშირებით გააჩნიათ შენიშვნები.

ამდენად, მიზანშეწონილია, ქალაქ ფოთის მუნიციპალიტეტის მერის მიერ წარმოდგენილი, საკრებულოს დადგენილების პროექტი „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“, შენიშვნებით დაუბრუნდეს ქალაქ ფოთის მუნიციპალიტეტის მერს (ქალაქ ფოთის მუნიციპალიტეტის საკრებულოს კომისიების და ფრაქციების დასკვნები თან ერთვის).

აღნიშნულიდან გამომდინარე:

მუხლი 1.

ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტი „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“, შენიშვნებით დაუბრუნდეს ქალაქ ფოთის მუნიციპალიტეტის მერს (ქალაქ ფოთის მუნიციპალიტეტის საკრებულოს კომისიების და ფრაქციების დასკვნები თან ერთვის).

მუხლი 2.

ქალაქ ფოთის მუნიციპალიტეტის მერმა (გ. კურდელია) აღნიშნული განკარგულების შესრულებასთან დაკავშირებით გაატაროს შესაბამისი ღონისძიებები.

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია ხელმოწერისთანავე.

საკრებულოს თავმჯდომარის მოვალეობის
შემსრულებელი, თავმჯდომარის მოადგილი



აკაკი დარჯანია

ქალაქ ფოთის მუნიციპალიტეტის საკრებულო საფინანსო-საბიუჯეტო კომისია

№23

22.11.2019 წ.

დ ა ს კ ვ ნ ა

ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“.

კომისიას წარმოდგენილ დადგენილების პროექტთან დაკავშირებით გააჩნია შენიშვნები. კერძოდ, შევიდეს შემდეგი ცვლილებები:

1. ქალაქ ფოთის მუნიციპალიტეტის საკრებულოს ხარჯები (კოდი 01 01) გაიზარდოს 13,6 ათ. ლარით და განისაზღვროს 1293,8 ათ. ლარით, აქედან:

ა) გაიზარდოს ოფისის (მცირეფასიანი საოფისე ტექნიკის შემენისა და დამონტაჟების) ხარჯები 6,6 ათ. ლარით და განისაზღვროს 85,1 ათ. ლარით, მათ შორის:

- გაიზარდოს კარტრიჯების შემენისა და დატუმბვის ხარჯი 2,0 ათ. ლარით და განისაზღვროს 7,0 ათ. ლარით;

- გაიზარდოს გამათბობელი და გამაგრილებელი ტექნიკის ხარჯი 0,6 ათ. ლარით და განისაზღვროს 1,0 ათ. ლარით;

- გაიზარდოს კავშირგაბმულობის ხარჯი 4,0 ათ. ლარით და განისაზღვროს 24,0 ათ. ლარით.

ბ) გაიზარდოს წარმომადგენლობითი ხარჯები 2,0 ათ. ლარით და განისაზღვროს 7,0 ათ. ლარით.

გ) გაიზარდოს ტრანსპორტის, ტექნიკისა და იარაღის ექსპლუატაციისა და მოვლა-შენახვის (საწვავ-საპოზი მასალების შემენის) ხარჯები 5,0 ათ. ლარით და განისაზღვროს 69,4 ათ. ლარით.

2. დაწყებითი კლასის მოსწავლეთა პროფილაქტიკური გამოკვლევა (ქვეპროგრამის კოდი 06 02 08) - აღნიშნული ქვეპროგრამის აღწერაში ამოღებულ იქნას სიტყვები „არაუმეტეს 1000 ბენეფიციარი“.

3. 2008 წლის აგვისტოს მოვლენების დროს რუსეთის აგრესის შედეგად დაღუპულთა ოჯახებისა და დაჭრილ მოქალაქეთა დახმარება (ქვეპროგრამის კოდი 06 04 05) - აღნიშნული ქვეპროგრამის აღწერაში პუნქტი „გ“ შეიცვალოს და ჩამოყალიბდეს შემდეგი რედაქციით: „გ) რუსეთის მიერ განხორციელებული აგრესის შედეგად დაჭრილ სამოქალაქო პირებზე - 300 ლარის ოდენობით წელიწადში ერთჯერ“.

4. მეორე მსოფლიო ომის მონაწილეთა, ამავე ომის შშმ პირთა და სხვა სახელმწიფოთა ტერიტორიული მთლიანობისათვის ბრძოლის მონაწილეთა დახმარება (ქვეპროგრამის კოდი 06 04 06) - აღნიშნული ქვეპროგრამის აღწერაში პუნქტები „ა“, „ბ“ და „გ“ შეიცვალოს და ჩამოყალიბდეს შემდეგი რედაქციით:

„ა) მეორე მსოფლიო ომის მონაწილე ბენეფიციარებს, თითოეულს 400 ლარის ოდენობით;

ბ) სხვა სახელმწიფოთა ტერიტორიული მთლიანობისათვის ბრძოლაში მონაწილე ბენეფიციარებს, თითოეულს 300 ლარის ოდენობით;

გ) მეორე მსოფლიო ომის მონაწილეებთან გათანაბრებულ ბენეფიციარებს, თითოეულს 300 ლარის ოდენობით “.

5. უსინათლოებისა და ყრუ-მუნჯთა მატერიალური დახმარება კომუნალური გადასახადების დასაფინანსებლად (ქვეპროგრამის კოდი 06 04 08) - აღნიშნული ქვეპროგრამის აღწერაში პუნქტი „ბ“ შეიცვალოს და ჩამოყალიბდეს შემდეგი რედაქციით: „ბ) პროგრამაში მონაწილე ყრუ-მუნჯების მატერიალური დახმარება კომუნალური გადასახადების დასაფინანსებლად 35 ლარის ოდენობით, წელიწადში ოთხჯერ“.

აქედან გამომდინარე, კომისიას მიზანშეწონილად მიაჩნია, დადგენილების პროექტი „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“ დაუბრუნდეს ქალაქ ფოთის მუნიციპალიტეტის მერს, აღნიშნული შენიშვნებისა და საკრებულოს კომისიებიდან და ფრაქციებიდან შემოსული შენიშვნა-რეკომენდაციების გათვალისწინებით (თან ერთვის).

კომისიის თავმჯდომარის

მოვალეობის შემსრულებელი:

თორნიკე ხარჩილავა

საქართველო

ქალაქ ფოთის მუნიციპალიტეტის საკრებულო

იურიდიულ, სამანდატო, საპროცედურო საკითხთა და ეთიკის კომისია

N17/1

22 ნოემბერი 2017 წელი

დასკვნა

ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიამ განიხილა ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტი „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“.

ზემოხსენებულ საკითხთან დაკავშირებით კომისიამ დაადგინა:

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ა“ ქვეპუნქტის, 24-ე მუხლის პირველი პუნქტის „დ.ა“ ქვეპუნქტის, 54-ე მუხლის პირველი პუნქტის „გ.ა“ ქვეპუნქტის, საქართველოს კანონის „საქართველოს საბიუჯეტო კოდექსის“ 77-ე და 78-ე მუხლების შესაბამისად, საკრებულო უფლებამოსილია მიიღოს „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“ საკრებულოს დადგენილების პროექტი (შემდგომში -დადგენილების პროექტი).

ამასთანავე, კომისიას გააჩნია გარკვეული შენიშვნები წარმოდგენილ სამართლებრივი აქტის პროექტთან დაკავშირებით, კერძოდ:

1. დადგენილების პროექტის პრეამბულაში სიტყვების: „საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი ნაწილის „დ.ა“ ქვეპუნქტის“ ნაცვლად უნდა იყოს მითითებული სიტყვები: „საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტის „დ.ა“ ქვეპუნქტის“, ვინაიდან, „ნორმატიული აქტების შესახებ“

საქართველოს ორგანული კანონის მე-16 მუხლის მე-7 პუნქტის შესაბამისად, ორგანულ კანონში მუხლები იყოფა პუნქტებად და არა ნაწილებად. თვალსაჩინოებისთვის შეგიძლიათ იხილოთ საქართველოს ორგანული კანონის „ადგილობრივი თვითმმართველობის კოდექსი“ მე-4 მუხლის პირველი პუნქტის „ბ“ ქვეპუნქტი, მე-10 მუხლის მე-4 პუნქტი და სხვა, სადაც მითითებითი ნორმის აღნიშვნისას გამოყენებულია ტერმინი „პუნქტი“ და არა ტერმინი „ნაწილი“.

2. დადგენილების პროექტის პრეამბულაში უნდა მიეთითოს „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტი, ვინაიდან, დადგენილების პროექტით ძალადაკარგულად ცხადდება „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2018 წლის 24 დეკემბრის №24/40 დადგენილება, ამასთანავე, „ნორმატიული აქტების შესახებ“ საქართველოს ორგანული კანონის მე-16 მუხლის მე-2 პუნქტის შესაბამისად, ნორმატიული აქტის პრეამბულაში მითითებული უნდა იყოს, თუ რომელი ნორმატიული აქტის შესასრულებლად გამოიცა იგი. ამდენად, მიზანშეწონილია დადგენილების პროექტის პრეამბულა ჩამოყალიბდეს შემდეგი რედაქციით: „საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტის „დ.ა“ ქვეპუნქტის, 91-ე მუხლის, „ნორმატიული აქტების შესახებ“ საქართველოს ორგანული კანონის მე-20 მუხლისა და 25-ე მუხლის პირველი პუნქტის „ბ“ ქვეპუნქტის, საქართველოს კანონის „საქართველოს საბიუჯეტო კოდექსი“ 78-ე მუხლის შესაბამისად, ქალაქ ფოთის მუნიციპალიტეტის საკრებულო ადგენს.“.
3. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. ამდენად, ზემოხსენებული

კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, დადგენილების პროექტში ზუსტად უნდა იქნეს მითითებული ამა თუ, იმ ორგანიზაციის დასახელება, კერძოდ: დადგენილების პროექტში (პროგრამის კოდი 02.08- საპროექტო დოკუმენტაციისა და სამშენებლო სამუშაოების ტექნიკური ზედამხედველობის მომსახურება) სიტყვების „სამხარაულის ექსპერტიზის“ ნაცვლად უნდა მიეთითოს სიტყვები „საჯარო სამართლის იურიდიული პირის – ლევან სამხარაულის სახელობის სასამართლო ექსპერტიზის ეროვნული ბიუროს ექსპერტიზის“, ვინაიდან ზემოხსენებული ორგანიზაციის ზუსტი დასახელებაა- საჯარო სამართლის იურიდიული პირი – ლევან სამხარაულის სახელობის სასამართლო ექსპერტიზის ეროვნული ბიურო, საქართველოს კანონის „საჯარო სამართლის იურიდიული პირის – ლევან სამხარაულის სახელობის სასამართლო ექსპერტიზის ეროვნული ბიუროს შექმნის შესახებ“ პირველი მუხლის შესაბამისად.

4. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. ამდენად, ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, დადგენილების პროექტში ზუსტად უნდა იქნეს მითითებული ადგილობრივი მოსაკრებლის დასახელება, კერძოდ: დადგენილების პროექტში (პროგრამის კოდი 03.02) სიტყვების: „დასუფთავების მოსაკრებელი“ ნაცვლად უნდა მიეთითოს სიტყვები: „მოსაკრებელი დასახლებული ტერიტორიის დასუფთავებისათვის“, ვინაიდან, „ადგილობრივი მოსაკრებლების შესახებ“ საქართველოს კანონის მე-5 მუხლის მე-3 პუნქტის, მე-12¹ მუხლის შესაბამისად, ზემოხსენებული მოსაკრებლის ზუსტი დასახელებაა „მოსაკრებელი დასახლებული ტერიტორიის დასუფთავებისათვის“.

5. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. ამდენად, ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, დადგენილების პროექტში(პროგრამის კოდი 03.02) ზუსტად უნდა იქნეს მითითებული მოქმედი ნორმატიული აქტებით გათვალისწინებული ტერმინები, კერძოდ: სიტყვების:„მოსახლე, ინდმეწარმე“ ნაცვლად უნდა მიეთითოს სიტყვები: „ფიზიკური პირი, ინდივიდუალური მეწარმე“, ვინაიდან, „ქალაქ ფოთის მუნიციპალიტეტის ტერიტორიაზე ადგილობრივი მოსაკრებლების შემოღების, ოდენობის განსაზღვრის, შესაბამისი ინსტრუქციის და ქვითრის ტიპური ფორმის დამტკიცების შესახებ“ ქალაქ ფოთის მუნიციპალიტეტის საკრებულოს 2015 წლის 29 ივლისის №18/24 დადგენილების მე-3 მუხლის შესაბამისად, მოსაკრებლის დასახლებული ტერიტორიის დასუფთავებისათვის გადამხდელია: ფიზიკური პირი, ინდივიდუალური მეწარმე და არა „მოსახლე“, „ინდმეწარმე“.
6. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. ამდენად, ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, დადგენილების პროექტში ზუსტად უნდა იქნეს მითითებული საქართველოს კანონმდებლობით დადგენილი ტერმინები, კერძოდ: დადგენილების პროექტში (პროგრამის კოდი 03.02) სიტყვების: „გადასახადის გადახდის“ ნაცვლად უნდა მიეთითოს სიტყვები: „დასახლებული ტერიტორიის დასუფთავებისათვის მოსაკრებლის გადახდის“, ვინაიდან, ზემოხსენებული პროგრამის(პროგრამის კოდი 03.02) მიზანია

დასახლებული ტერიტორიის დასუფთავებისათვის მოსაკრებლის გადახდის უზრუნველყოფა. „ადგილობრივი მოსაკრებლების შესახებ“ საქართველოს კანონის მე-5 მუხლის მე-3 პუნქტის, მე-12¹ მუხლის შესაბამისად, ზემოხსენებული მოსაკრებლის ზუსტი დასახელებაა „მოსაკრებელი დასახლებული ტერიტორიის დასუფთავებისათვის“ და ის არ წარმოადგენს საქართველოს საგადასახადო კოდექსის მე-6 მუხლით გათვალისწინებულ გადასახადს.

7. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, პროგრამის (პროგრამის კოდი 04.01. სკოლამდელი დაწესებულებების ფუნქციონირება) გრაფაში (პროგრამის აღწერა და მიზანი) მიზანშეწონილია მიეთითოს შემდეგი წინადადება: „ა(ა)იპ „თვითმმართველი ქალაქ ფოთის სკოლამდელ სააღმზრდელო გაერთიანებაში“ ბავშვთა კვებისათვის დადგენილია 1 ბავშვზე --- ლარი დღეში, რომელიც განისაზღვრება არასამეწარმეო (არაკომერციული) იურიდიული პირის „თვითმმართველი ქალაქ ფოთის სკოლამდელი სააღმზრდელო გაერთიანების“ დირექტორის მიერ დამტკიცებული მენიუთი. (ბავშვთა კვების რაციონიდან და ღირებულებიდან გამომდინარე დამტკიცებულ მენიუში დასაშვებია ერთ ბავშვზე გათვლილი კვების ღირებულების ცდომილება თეთრებით) “. დაახლოებით ზემოხსენებული შინაარსის ჩანაწერი იყო „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2018 წლის 24 დეკემბრის №24/40 დადგენილების 31-ე მუხლში.
8. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის

მირითადი პრინციპია გამჭვირვალობა. ამდენად, ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, დადგენილების პროექტის მე-16 მუხლში ზუსტად უნდა იქნეს მითითებული მუნიციპალიტეტის ბიუჯეტით დაფინანსებული საბიუჯეტო ორგანიზაციების დასახელებები, კერძოდ: ა) სიტყვების: „რაგბის სასპორტო სკოლა“ ნაცვლად უნდა მიეთითოს სიტყვები: „ა(ა)იპ- სკოლისგარეშე სასპორტო საგანმანათლებლო დაწესებულება - რაგბის სასპორტო სკოლა“; ბ) სიტყვების: „ხელბურთის კლუბი-ოქროს ვერძი“ ნაცვლად უნდა მიეთითოს სიტყვები: „ა(ა)იპ-თვითმმართველი ქალაქის-ფოთის ხელბურთის კლუბი ოქროს ვერძი“; გ) სიტყვების: „სპორტისა და ტურიზმის ცენტრი“ ნაცვლად უნდა მიეთითოს სიტყვები: „ა(ა)იპ-ქალაქ ფოთის მუნიციპალიტეტის სპორტისა და ტურიზმის ცენტრი“; პროგრამის მე-16 მუხლში, დასაზუსტებელია კულტურის, სფეროს არასამეწარმეო (არაკომერციული) იურიდიული პირების დასახელებები. ამასთანავე, პროგრამებში დასაზუსტებელია კულტურისა და სპორტის სფეროს არასამეწარმეო (არაკომერციული) იურიდიული პირების დასახელებები, იხილეთ: პროგრამის კოდები: 05.01.01.01, 05.01.01.02 და სხვა. ზემოხსენებული მიზეზების გამო, პროგრამულ კოდში: 06.04.03 სიტყვების „ბავშვთა ცენტრის“ ნაცვლად მისათითებელია სიტყვები: „ა(ა)იპ- თვითმმართველი ქალაქ ფოთის ბავშვთა ცენტრი“, და სხვა.

9. „სახელმწიფო ენის შესახებ“ საქართველოს ორგანული კანონის მე-5 მუხლის მე-3 პუნქტის შესაბამისად, სახელმწიფო და ადგილობრივი თვითმმართველობის ორგანოები სახელმწიფოებრივი და საზოგადოებრივი ცხოვრების ყველა სფეროში უზრუნველყოფენ სახელმწიფო ენის ფუნქციონირებისა და მისი სიწმინდის დაცვისათვის აუცილებელი ორგანიზაციული და მატერიალურ-ტექნიკური

პირობების შექმნას. ამდენად, მიზანშეწონილია დადგენილების პროექტში დაკორექტირდეს ტერმინები, კერძოდ: პროგრამაში(პროგრამის კოდი:03.05) სიტყვები: “ბირკის ნომერი” შეიცვალოს სიტყვებით: „დამღის ნომერი“ ან სხვა ტერმინით, პროგრამაში (პროგრამის კოდი:02.06.03) სიტყვების: “გაცელვითი სამუშაოების“ ნაცვლად, მიეთითოს სიტყვები: „მწვანე ნარგავის მოვლის სამუშაოები“ ან „ბალახის მოთიბვის სამუშაოები“ ან სხვა ტერმინი, პროგრამაში (პროგრამის კოდი:06.02.07) სიტყვები: „სმენაჩლუნგობა“ შეიცვალოს სიტყვებით: „სმენადაქვეითებული“ ან სხვა შესაბამისი კორექტული ტერმინით, ამასთანავე, დასაკორექტირებელია სხვა ტერმინები და წინადადებები.

10. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. კულტურული ღონისძიებების პროგრამის (პროგრამის კოდი: 05.02.02) შესაბამისად, უნდა მოხდეს კულტურის, ხელოვნების, განათლების მუშაკებისა და სხვა პირების დაჯილდოვება. პროგრამაში(პროგრამის კოდი: 05.02.02) არ არის მითითებული ის გარემოება, თუ ვინ იღებს გადაწყვეტილებას ზემოხსენებული პირების დაჯილდოვებაზე. ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, მიზანშეწონილია პროგრამის(პროგრამული კოდი:05.02.02) გრაფაში (პროგრამის აღწერა და მიზანი) დაემატოს შემდეგი წინადადება „პროგრამით გათვალისწინებული პირების დაჯილდოვებაზე გადაწყვეტილებას იღებს ქალაქ ფოთის მუნიციპალიტეტის მერი“.

11. მოსახლეობის მედიკამენტით უზრუნველყოფის პროგრამის (პროგრამული კოდი:06.02.02) შესაბამისად, ხდება მოსახლეობის მედიკამენტებით უზრუნველყოფა. 2019 წლის ჯანმრთელობის დაცვის

სახელმწიფო პროგრამების დამტკიცების შესახებ“ საქართველოს
მთავრობის 2018 წლის 31 დეკემბრის №693 დადგენილებისა და სხვა
ნორმატიული აქტების შესაბამისად, სახელმწიფო ბიუჯეტიდან
ფინანსდება გარკვეული კატეგორიის მედიკამენტების
მოსახლეობისთვის შეძენა. „საჯარო სამსახურის შესახებ“ საქართველოს
კანონის მე-10 მუხლის შესაბამისად, საჯარო დაწესებულება
ვალდებულია საბიუჯეტო რესურსები გამოიყენოს ეკონომიურად და
ეფექტურად, სწორად და კოორდინირებულად წარმართოს საჯარო
სამსახურში ორგანიზაციული პროცესი ხალხისა და სახელმწიფოს
ინტერესების დასაცავად და ქვეყნის წინაშე მდგარი ამოცანების
წარმატებით შესასრულებლად. ზემოხსენებული კანონიდან
გამომდინარე, ქალაქ ფოთის მუნიციპალიტეტის ბიუჯეტის სახსრების
ეფექტურად ხარჯვის, სახელმწიფო და მუნიციპალური პროგრამების
დუბლირების თავიდან აცილების მიზნით, მიზანშეწონილია
პროგრამის (პროგრამული კოდი:06.02.02) გრაფაში (პროგრამის აღწერა
და მიზანი) მიეთითოს შემდეგი წინადადება: „აღნიშნული პროგრამით
არ ფინანსდება იმ მედიკამენტების შეძენა, რომელიც ფინანსდება
სახელმწიფო პროგრამით, გარდა იმ შემთხვევისა, თუ, სახელმწიფო
პროგრამით გათვალისწინებული დაფინანსება არასაკმარისია ან
სახელმწიფო პროგრამა ხელმისაწვდომი არ არის ქალაქ ფოთის
მუნიციპალიტეტში მცხოვრები(რეგისტრირებული) პირებისათვის.“.
ამასთანავე, გასათვალისწინებელია, ის გარემოება, რომ საქართველოს
ორგანული კანონის „ადგილობრივი თვითმმართველობის კოდექსის“
მე-16 მუხლის მე-4 პუნქტის შესაბამისად, მუნიციპალიტეტი
უფლებამოსილია სახელმწიფო პოლიტიკის გამტარებელ ორგანოსთან
კოორდინაციით განახორციელოს ღონისძიებები ჯანმრთელობის
დაცვის მიზნით, ამდენად, მომავალში ჯანმრთელობის დაცვის
მუნიციპალური პროგრამების დამტკიცებამდე, მიზანშეწონილია

ზემოხსენებული პროგრამები შეთანხმდეს საქართველოს
ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის სამინისტროსთან.

12. ონკოლოგიურ დაავადებათა გამოკვლევა და პრევენციის პროგრამის (პროგრამული კოდი: 06.02.03) შესაბამისად, ხდება ძუძუს კიბოს ადრეული დიაგნოსტიკა და კვლევა, გინეკოლოგიურ დაავადებათა გამოვლენა და პრევენცია. „2019 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2018 წლის 31 დეკემბრის №693 დადგენილების დანართი 1-ის მე-3 მუხლის „ა.ა“ ქვეპუნქტის შესაბამისად, სახელმწიფო ბიუჯეტიდან ფინანსდება ძუძუს, საშვილოსნოს ყელის კიბოს სკრინინგი, მათ შორის, ძუძუს კიბოს სკრინინგი 40-დან 70 წლის ჩათვლით ასაკის ქალებში, საშვილოსნოს ყელის კიბოს სკრინინგი – 25-დან 60 წლის ჩათვლით ასაკის ქალებში, კიბოს ადრეული გამოვლენის მიზნით ტარდება სკრინინგული გამოკვლევები ქვეყნის მასშტაბით. „საჯარო სამსახურის შესახებ“ საქართველოს კანონის მე-10 მუხლის შესაბამისად, საჯარო დაწესებულება ვალდებულია საბიუჯეტო რესურსები გამოიყენოს ეკონომიკურად და ეფექტურად, სწორად და კოორდინირებულად წარმართოს საჯარო სამსახურში ორგანიზაციული პროცესი ხალხისა და სახელმწიფოს ინტერესების დასაცავად და ქვეყნის წინაშე მდგარი ამოცანების წარმატებით შესასრულებლად. ზემოხსენებული კანონიდან გამომდინარე, ქალაქ ფოთის მუნიციპალიტეტის ბიუჯეტის სახსრების ეფექტურად ხარჯვის, სახელმწიფო და მუნიციპალური პროგრამების დუბლირების თავიდან აცილების მიზნით, მიზანშეწონილია პროგრამის (პროგრამული კოდი: 06.02.03) გრაფაში (პროგრამის აღწერა და მიზანი) მიეთითოს შემდეგი წინადადება: „აღნიშნული პროგრამით არ ფინანსდება ის გამოკვლევები, რომელიც ფინანსდება სახელმწიფო პროგრამით, გარდა

იმ შემთხვევისა, თუ, სახელმწიფო პროგრამით გათვალისწინებული დაფინანსება არასაკმარისია, ან სახელმწიფო პროგრამა ხელმისაწვდომი არ არის ქალაქ ფოთის მუნიციპალიტეტში მცხოვრები(რეგისტრირებული) პირებისათვის.“.

13. ფენილკეტონურიით და ცელიაკით დაავადებულთა პროგრამის (პროგრამული კოდი:06.02.06) შესაბამისად, ხდება ფენილკეტონურიით და ცელიაკით დაავადებულთა კვებითი დანამატით უზრუნველყოფა. „2019 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2018 წლის 31 დეკემბრის №693 დადგენილების მე-16 დანართის მე-2 მუხლის, მე-3 მუხლის „დ.ბ“ ქვეპუნქტის, მე-4 მუხლის შესაბამისად, სახელმწიფო ბიუჯეტიდან ფინანსდება ფენილკეტონურიით დაავადებულთა კვებითი დანამატით უზრუნველყოფა. „საჯარო სამსახურის შესახებ“ საქართველოს კანონის მე-10 მუხლის შესაბამისად, საჯარო დაწესებულება ვალდებულია საბიუჯეტო რესურსები გამოიყენოს ეკონომიურად და ეფექტურად, სწორად და კოორდინირებულად წარმართოს საჯარო სამსახურში ორგანიზაციული პროცესი ხალხისა და სახელმწიფოს ინტერესების დასაცავად და ქვეყნის წინაშე მდგარი ამოცანების წარმატებით შესასრულებლად. ზემოხსენებული კანონიდან გამომდინარე, ქალაქ ფოთის მუნიციპალიტეტის ბიუჯეტის სახსრების ეფექტურად ხარჯვის, სახელმწიფო და მუნიციპალური პროგრამების დუბლირების თავიდან აცილების მიზნით, მიზანშეწონილია პროგრამის (პროგრამული კოდი:06.02.06) გრაფაში (პროგრამის აღწერა და მიზანი) მიეთითოს შემდეგი წინადადება: „აღნიშნული პროგრამით არ ფინანსდება იმ კვებითი დანამატის შესყიდვა, რომელიც ფინანსდება სახელმწიფო პროგრამით, გარდა იმ შემთხვევისა, თუ, სახელმწიფო პროგრამით გათვალისწინებული დაფინანსება არასაკმარისია, ან

სახელმწიფო პროგრამა ხელმისაწვდომი არ არის ქალაქ ფოთის მუნიციპალიტეტში მცხოვრები(რეგისტრირებული) პირებისათვის.“.

14. (პროგრამული კოდი:06.04.05 -2008 წლის აგვისტოს მოვლენების დროს რუსეთის აგრესის შედეგად დაღუპულთა ოჯახებისა და დაჭრილ მოქალაქეთა დახმარება) პროგრამის შესაბამისად, ოჯახის სახელით მატერიალური დახმარების მისაღებად განაცხადის გაკეთების უფლება აქვს მხოლოდ დედას და მეუღლეს, ზემოხსენებული პროგრამის შესაბამისად განაცხადის გაკეთების უფლება არა აქვს სრულწლოვან შვილს ან მამას ან მემკვიდრეს. „დისკრიმინაციის ყველა ფორმის აღმოფხვრის შესახებ“ საქართველოს კანონის მე-2 მუხლის პირველი პუნქტის შესაბამისად, საქართველოში აკრძალულია ნებისმიერი სახის დისკრიმინაცია. ამავე, კანონის მე-2 მუხლის მე-2 პუნქტის შესაბამისად, პირდაპირი დისკრიმინაცია არის ისეთი მოპყრობა ან პირობების შექმნა, რომელიც პირს საქართველოს კანონმდებლობით დადგენილი უფლებებით სარგებლობისას ამ კანონის პირველი მუხლით გათვალისწინებული რომელიმე ნიშნის გამო არახელსაყრელ მდგომარეობაში აყენებს ანალოგიურ პირობებში მყოფ სხვა პირებთან შედარებით. ამავე, კანონის მე-4 მუხლის „ა“ ქვეპუნქტის შესაბამისად, დისკრიმინაციის აღმოსაფხვრელად ნებისმიერი დაწესებულება ვალდებულია თავისი საქმიანობა, აგრეთვე სამართლებრივი აქტები და შიდა რეგულაციები, თუ ისინი არსებობს, შეუსაბამოს ამ კანონსა და სხვა ანტიდისკრიმინაციულ კანონმდებლობას. ზემოხსენებული ნორმების შესაბამისად, ოჯახის სახელით მატერიალური დახმარების მისაღებად განაცხადის გაკეთების უფლება თანაბრად უნდა ჰქონდეთ: მეუღლეს, სრულწლოვან შვილს, დედას ან მამას ან მემკვიდრეს. ამასთანავე, ქალაქ ფოთის მუნიციპალიტეტის მერიამ უნდა შეისწავლოს საკითხი და უნდა დადგინდეს ის გარემოება, რომ ზემოხსენებული ცვლილებები,

მნიშვნელოვნად ხომ არ გაზრდის ქალაქ ფოთის მუნიციპალიტეტის ბიუჯეტის ხარჯებს.

15. (პროგრამული კოდი:06.04.15-საქალაქო ავტობუსების სუბსიდირება)-
პროგრამის შესაბამისად, სუბსიდირების სახით ქალაქ ფოთის მუნიციპალიტეტის ბიუჯეტიდან ფინანსდება შპს „ფოთიქალაქტრანსპორტი“. „კონკურენციის შესახებ“ საქართველოს კანონის მე-3 მუხლის „ს“ და „ტ“ ქვეპუნქტების შესაბამისად, სახელმწიფო დახმარება (სუბსიდია) არის ეკონომიკური აგენტის (მოცემულ შემთხვევაში -შპს „ფოთი ქალაქტრანსპორტი“) მიმართ მუნიციპალიტეტის ორგანოს მიერ მიღებული გადაწყვეტილება, რომელიც მოიცავს ფულადი დახმარების გაწევას და სხვა; „კონკურენციის შესახებ“ საქართველოს კანონის მე-12 მუხლის პირველი პუნქტის შესაბამისად, აკრძალულია ეკონომიკური აგენტისათვის სახელმწიფო დახმარება ნებისმიერი ფორმით, რომელიც აფერხებს კონკურენციას ან ქმნის მისი შეფერხების საშიშროებას, გარდა ამ მუხლის მე-2 პუნქტით გათვალისწინებული გამონაკლისებისა. ამავე, კანონის მე-14 მუხლის პირველი პუნქტის შესაბამისად, კონკურენციის სააგენტო მისთვის წარდგენილი ინფორმაციის საფუძველზე ადგენს გასაცემი სახელმწიფო დახმარების ამ კანონის დებულებებთან შესაბამისობას და არაუგვიანეს 14 სამუშაო დოისა გასცემს სამართლებრივ დასკვნას, თუ აღნიშნული სახელმწიფო დახმარება არ შეესაბამება ამ კანონის დებულებებს. ცალკეულ შემთხვევებში ეს ვადა შეიძლება გაგრძელდეს 2 თვემდე. მოცემულ შემთხვევაში ქალაქ ფოთის მუნიციპალიტეტის მერიამ არსებითად უნდა შეისწავლოს საკითხი და კონკურენციის სააგენტოსთან ერთად გაატაროს „კონკურენციის შესახებ“ საქართველოს კანონით გათვალისწინებული ონისმიერები.

16. პროგრამის 27-ე მუხლში სიტყვები: „ქალაქ ფოთის მუნიციპალიტეტის ადგილობრივი თვითმმართველი ერთეულის ბიუჯეტის“, უნდა

შეიცვალოს სიტყვებით: „ქალაქ ფოთის მუნიციპალიტეტის ბიუჯეტი“, ვინაიდან, საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ა“ ქვეპუნქტი და სხვა მუხლები ითვალისწინებენ ტერმინს „მუნიციპალიტეტის ბიუჯეტი“ და არა ტერმინს „ქალაქ ფოთის მუნიციპალიტეტის ადგილობრივი თვითმმართველი ერთეულის ბიუჯეტი“.

17. პროგრამის 28-ე მუხლში სიტყვები: „ქალაქ ფოთის მუნიციპალიტეტის მერიის საფინანსო-საბიუჯეტო სამსახურთან წინასწარ შეთანხმებით“ ამოსაღებია, ვინაიდან, საქართველოს ორგანული კანონი „ადგილობრივი თვითმმართველობის კოდექსი“, საქართველოს კანონი „საქართველოს საბიუჯეტო კოდექსი“, „სახელმწიფო ხაზინის მომსახურებაზე მყოფი ორგანიზაციების მიერ გადახდების განხორციელების წესის შესახებ ინსტრუქციის დამტკიცების თაობაზე“ საქართველოს ფინანსთა მინისტრის 2014 წლის 31 დეკემბრის №424 ბრძანება და სხვა ნორმატიული აქტები არ ითვალისწინებენ იმ გარემოებას, რომ ქალაქ ფოთის მუნიციპალიტეტის საკრებულოს თავმჯდომარის ბრძანების საფუძველზე, წარმომადგენლობითი ხარჯებიდან ყოველ კონკრეტულ შემთხვევაში თანხის გამოყოფა წინასწარ შეთანხმდეს ქალაქ ფოთის მუნიციპალიტეტის მერიის საფინანსო-საბიუჯეტო სამსახურთან.


18. პროგრამის 35-ე მუხლის პირველი პუნქტის „ბ“ ქვეპუნქტში სიტყვები: „სამხედრო სარეზერვო სამსახურის შესახებ“ საქართველოს კანონით“ უნდა შეიცვალოს სიტყვებით: „თავდაცვის მაღების რეზერვისა და სამხედრო სარეზერვო სამსახურის შესახებ“ საქართველოს კანონით“, ვინაიდან, „სამხედრო სარეზერვო სამსახურის შესახებ“ საქართველოს კანონი მაღადაკარგულად გამოცხადდა „თავდაცვის მაღების

რეზერვისა და სამხედრო სარეზერვო სამსახურის შესახებ“
საქართველოს კანონის 28-ე მუხლის პირველი პუნქტით.

ამდენად, კომისიას მიზანშეწონილად მიაჩნია ზემოხსენებული შენიშვნების
გათვალისწინების მიზნით საკრებულოს დადგენილების პროექტი დაუბრუნდეს მერს.

იურიდიულ, სამანდატო, საპროცედურო

საკითხთა და ეთიკის კომისიის თავმჯდომარე



ხვიჩა ცხვიტარია

ქალაქ ფოთის მუნიციპალიტეტის საკრებულოს

სოციალურ საკითხთა კომისია

22 ნოემბერი 2019

დასკვნა

ქალაქ ფოთის მუნიციპალიტეტის საკრებულოს სოციალურ საკითხთა კომისიამ 2019 წლის 22 ნოემბრის კომისიის სხდომაზე განიხილა საკითხი ქალაქ ფოთის მუნიციპალიტეტის საკრებულოს დადგენილების პროექტის „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის მერისთვის შენიშვნებით დაბრუნების თაობაზე.

კომისია ეთანხმება წარმოდგენილ პროექტს შემდეგი შენიშვნების გათვალისწინებით:

1. სკოლამდელი სააღმზრდელო დაწესებულებების ფუნქციონირება. (პროგრამული კოდი 04.01)

1. „ადრეული და სკოლამდელი აღზრდისა და განათლების შესახებ“ საქართველოს კანონით, „ადრეული და სკოლამდელი აღზრდისა და განათლების სახელმწიფო სტანდარტების დამტკიცების შესახებ“ საქართველოს მთავრობის 2017 წლის 30 ოქტომბრის N487 დადგენილებით, „ტექნიკური რეგლამენტის - ადრეული და სკოლამდელი აღზრდისა და განათლების დაწესებულებების სანიტარიული და ჰიგიენური ნორმების დამტკიცების შესახებ“ საქართველოს მთავრობის 2017 წლის 27 ოქტომბრის N485 დადგენილებით, „ტექნიკური რეგლამენტის - „ადრეული და სკოლამდელი აღზრდისა და განათლების დაწესებულებებში კვების ორგანიზებისა და რაციონის კვებითი ღირებულების ნორმების“ დამტკიცების შესახებ“ საქართველოს მთავრობის 2017 წლის 30 ოქტომბრის N488 დადგენილებით და სხვა სამართლებრივი აქტებით გაიზარდა ა(ა)იპ-თვითმმართველ ქალაქ ფოთის სკოლამდელ სააღმზრდელო გაერთიანებაში დასაქმებული პირების სამუშაოს მოცულობა, დატვირთვა და პასუხისმგებლობა. მსოფლიოში და საქართველოში მიმდინარე ეკონომიკური ცვლილებების, ა(ა)იპ-თვითმმართველ ქალაქ ფოთის სკოლამდელ სააღმზრდელო გაერთიანებაში დასაქმებული პირების სამუშაოს მოცულობიდან და პასუხისმგებლობიდან გამომდინარე, უნდა გაიზარდოს გაერთიანებაში დასაქმებული პირების შრომის ანაზღაურება.

2. „შრომის უსაფრთხოების შესახებ“ საქართველოს ორგანული კანონის, „სამოქალაქო უსაფრთხოების შესახებ“ საქართველოს კანონის შესაბამისად, შრომის, სახანძრო უსაფრთხოებასთან და სხვა ღონისძიებებთან დაკავშირებით, ქალაქ ფოთის მუნიციპალიტეტის ბიუჯეტში უნდა გაიზარდოს სკოლამდელი სააღმზრდელო დაწესებულებების სარემნტო, კეთილმოწყობის ხარჯები, სამუშაოების განსახორციელებლად საჭიროა დაახლოებით 400 000 ლარი.

2. სოციალური მოსახურების ცენტრის ხელშეწყობა (პროგრამული კოდი 06.07) სოციალური მომსახურების ცენტრი ახორციელებს პროგრამას შინმოვლა, პროექტი არის წარმატებული თუმცა გამოწვევების დასაძლევად მოვითხოვთ სოციალური მოსახურების ცენტრის ხელშეწყობის ხარჯები გაიზარდოს 25000 (ოცდახუთიათასი) ლარით.

3. ქალაქ ფოთის მუნიციპალიტეტი მართავს არაერთ კულტურულ ღონისძიებას, ხშირად გვიწევს სცენის დაქირავება და ბანერების დამზადება კონკრეტული ღონისძიებებისთვის. საკრებულოს სოციალურ საკითხთა კომისიას მიზანშეწონილად მიაჩნია გამოიყოს თანხები ასაწყობის სცენისა და ლედ ეკრანის შესაძენად. რაც გრძელვადიან პერსპექტივაში გამოიწვევს საბიუჯეტო თანხების დაზოგვას, რომელიც იხარჯება სცენის დაქირავებასა და ერთჯერადი სასცენო ბანერების დამზადებაში.

კომისიის თავმჯდომარე



ბაქარი ერაგია

საქართველო

ქალაქ ფოთის მუნიციპალიტეტის საკრებულო სივრცით-ტერიტორიული დაგეგმარების და ინფრასტრუქტურის კომისია

№18/30

22 ნოემბერი 2019 წელი

დასკვა

ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“.

კომისიას დადგენილების პროექტთან გააჩნია შემდეგი შენიშვნები, კერძოდ:

1. ატრაქციონებისა და ტრენაჟორების შეძენას დაემატოს 200 ათასი ლარი.
2. მრავალსართულიანი ს/სახლების წვიმის საწრეტების შეკეთებას გამოყოს 100 ათასი ლარი.
3. მრავალსართულიანი ს/სახლების საკანალიზაციო კომუნიკაციების რეაბილიტაციას დაემატოს 100 ათასი ლარი.
4. პროექტ „ახალგაზრდების იდეა ფოთს“ გამარჯვებული პროექტების განსახორციელებლად გამოიყოს 300 ათასი ლარი.
5. სკოლამდელი სააღმზრდელო დაწესებულებების სარეაბილიტაციო სამუშაოებს დაემატოს 200 ათასი ლარი.
6. გაიზარდოს ა(ა)იპ „სერვისების ცენტრის“ სახელფასო ფონდი 120 ათას 500 ლარით, კერძოდ: ქალაქის დაგვა-დასუფთავების განყოფილებას დაემატოს 60 ათას 600 ლარი, გამწვანებული ტერიტორიების მოვლა-პატრონობის განყოფილებას დაემატოს 35 ათას 400 ლარი (რომელიც განაწილდება მთიბავებზე). უმეთვალყურეოდ დარჩენილი ცხოველების კონტროლის განყოფილებას დაემატოს 24 ათას 500 ლარი
7. ა(ა)იპ „სერვისების ცენტრის“ სპეც-ტექნიკის საიჯაროდ გათვალისწინებული თანხა გამოყენებულ იქნას შესაბამისი ტექნიკის შესაძენად (სატვირთო გადამზიდი (ევაკუატორი) სავარაუდო თანხა 30 ათასი ლარი, ამწე-კალათა (ჟირაფი) 25 მეტრიანი სავარაუდო თანხა 140 ათასი ლარი, თვითმცლელი სავარაუდო თანხა 114 ათასი ლარი,).

აღნიშნული რეკომენდაციების გასათვალისწინებლად კომისიას
მიზანშეწონილად მიიჩნია ამ ეტაპზე შემცირებულ იქნას მრავალსართულიანი
ს/სახლების ფასადების კაპიტალური შეკეთების, სათვალთვალო ვიდეო-
კამერების მოწყობის და ინფრასტრუქტურული ობიექტების პროექტირების
თანხები.

ზემოაღნიშნულიდან გამომდინარე კომისიამ მიზანშეწონილად მიიჩნია
დამატებითი შესწავლის და სრულყოფილად განხილვის მიზნით დადგენილების
პროექტი „ქალაქ ფოთის მუნიციპალიტეტის 2020 წლის ბიუჯეტის დამტკიცების
შესახებ“ დაუბრუნდეს ქალაქ ფოთის მუნიციპალიტეტის მერს.

კომისიის თავმჯდომარე



ბექა ვაჭარაძე

საქართველო

ქალაქ ფოთის მუნიციპალიტეტის საკრებულო
ქონების მართვისა და ბუნებრივი რესურსების საკითხების კომისია

№20/55

22 ნოემბერი 2018 წელი

დ ა ს კ ვ ნ ა

ქალაქ ფოთის მუნიციპალიტეტის საკრებულოს ქონების მართვისა და ბუნებრივი რესურსების საკითხების კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“.

კომისიამ მიზანშეწონილად მიიჩნია დამატებითი შესწავლის და სრულყოფილად განხილვის მიზნით დადგენილების პროექტი დაუბრუნდეს ქალაქ ფოთის მუნიციპალიტეტის მერს.

კომისიის თავმჯდომარე

თორნიკე შონია

ქალაქ ფოთის მუნიციპალიტეტის საკრებულო

ფრაქცია „ქართული ოცნება“

N2

22 ნოემბერი 2019 წ.

დასკვნა

ქალაქ ფოთის მუნიციპალიტეტის საკრებულოს ფრაქციამ „ქართული ოცნება“ ფრაქციის სხდომაზე განიხილა დადგენილების პროექტი „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“ და ქალაქ ფოთის მუნიციპალიტეტის პრიორიტეტების დოკუმენტი.

ფრაქცია „ქართული ოცნება“ იწონებს კომისიების მიერ გამოთქმულ წინადადებებს და შენიშვნებს, განსაკუთრებულად გამოყოფს შემდეგი ხასიათის წინადადებებს. კერძოდ:

1. აღდგენილ იქნას ფაზისობის დღესასწაულის ტრადიცია და ქალაქ ფოთის მუნიციპალიტეტის ბიუჯეტში გათვალისწინებულ იქნას ღონისძიების ხარჯები.
2. მრავალსართულიანი ს/სახლების საკანალიზაციო სისტემის რეაბილიტაცია და მრავალსართულიანი ს/სახლების წვიმის საწრეტების შეკეთების თანხები გაიზარდოს.
3. სკოლამდელი სააღმზრდელო დაწესებულებების სარეაბილიტაციო სამუშაოების თანხები გაიზარდოს.
4. ქალაქ ფოთის მუნიციპალიტეტის საკრებულოს ხარჯები გაიზარდოს.
5. (პროგრამული კოდი:06.04.05 -2008 წლის აგვისტოს მოვლენების დროს რუსეთის აგრესის შედეგად დაღუპულთა ოჯახებისა და დაჭრილ მოქალაქეთა დახმარება) პროგრამის შესაბამისად, ოჯახის სახელით მატერიალური დახმარების მისაღებად განაცხადის გაკეთების უფლება აქვს მხოლოდ დედას და მეუღლეს, ზემოხსენებული პროგრამის შესაბამისად განაცხადის გაკეთების უფლება არა აქვს სრულწლოვან შვილს ან მამას ან მემკვიდრეს. „დისკრიმინაციის ყველა ფორმის აღმოფხვრის შესახებ“ საქართველოს კანონის მე-2 მუხლის პირველი პუნქტის შესაბამისად, საქართველოში აკრძალულია ნებისმიერი სახის დისკრიმინაცია. ამავე, კანონის მე-2 მუხლის მე-2 პუნქტის შესაბამისად, პირდაპირი დისკრიმინაცია არის ისეთი მოპყრობა ან პირობების შექმნა, რომელიც პირს საქართველოს კანონმდებლობით დადგენილი უფლებებით სარგებლობისას ამ კანონის პირველი მუხლით გათვალისწინებული რომელიმე ნიშნის გამო არახელსაყრელ მდგომარეობაში აყენებს ანალოგიურ პირობებში მყოფ სხვა პირებთან შედარებით. ამავე, კანონის მე-4 მუხლის „ა“ ქვეპუნქტის შესაბამისად, დისკრიმინაციის აღმოსაფხვრელად ნებისმიერი დაწესებულება ვალდებულია თავისი საქმიანობა, აგრეთვე სამართლებრივი აქტები და შიდა რეგულაციები, თუ ისინი არსებობს, შეუსაბამოს ამ კანონსა და სხვა ანტიდისკრიმინაციულ კანონმდებლობას. ზემოხსენებული ნორმების შესაბამისად, ოჯახის სახელით მატერიალური დახმარების მისაღებად განაცხადის გაკეთების უფლება თანაბრად უნდა ჰქონდეთ: მეუღლეს,

ქალაქ ფოთის მუნიციპალიტეტის საკრებულო

ფრაქცია „ქართული ოცნება-კონსერვატორები“

N1

22 ნოემბერი 2019 წ.

დასკვნა

ქალაქ ფოთის მუნიციპალიტეტის საკრებულოს ფრაქციამ „ქართული ოცნება-კონსერვატორები“ ფრაქციის სხდომაზე განიხილა დადგენილების პროექტი „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“ და ქალაქ ფოთის მუნიციპალიტეტის პრიორიტეტების დოკუმენტი.

ქალაქ ფოთის მუნიციპალიტეტის საკრებულოს ფრაქცია „ქართული ოცნება-კონსერვატორები“ განსაკუთრებულად გამოყოფს შემდეგი სახის წინადადებებს, კერძოდ:

1. მრავალსართულიანი ს/სახლების საკანალიზაციო სისტემის რეაბილიტაცია და მრავალსართულიანი ს/სახლების წვიმის საწრეტების შეკეთების თანხები გაიზარდოს.
2. სკოლამდელი სააღმზრდელო დაწესებულებების სარეაბილიტაციო სამუშაოების თანხები გაიზარდოს.
3. ქალაქ ფოთის მუნიციპალიტეტის საკრებულოს ხარჯები გაიზარდოს.
4. ატრაქციონების და ტრენაჟორების შეძენის ხარჯები გაიზარდოს.
5. პროგრამის 28-ე მუხლში სიტყვები: „ქალაქ ფოთის მუნიციპალიტეტის მერიის საფინანსო-საბიუჯეტო სამსახურთან წინასწარ შეთანხმებით“ ამოსაღებია, ვინაიდან, საქართველოს ორგანული კანონი „ადგილობრივი თვითმმართველობის კოდექსი“, საქართველოს კანონი „საქართველოს საბიუჯეტო კოდექსი“, „სახელმწიფო ხაზინის მომსახურებაზე მყოფი ორგანიზაციების მიერ გადახდების განხორციელების წესის შესახებ ინსტრუქციის დამტკიცების თაობაზე“ საქართველოს ფინანსთა მინისტრის 2014 წლის 31 დეკემბრის №424 ბრძანება და სხვა ნორმატიული აქტები არ ითვალისწინებენ იმ გარემოებას, რომ ქალაქ ფოთის მუნიციპალიტეტის საკრებულოს თავმჯდომარის ბრძანების საფუძველზე, წარმომადგენლობითი ხარჯებიდან ყოველ კონკრეტულ შემთხვევაში თანხის გამოყოფა წინასწარ შეთანხმდეს ქალაქ ფოთის მუნიციპალიტეტის მერიის საფინანსო-საბიუჯეტო სამსახურთან.

ამდენად ქალაქ ფოთის მუნიციპალიტეტის საკრებულოს ფრაქცია „ქართული ოცნება-კონსერვატორები“ მიზანშეწონილად მიაჩნია ზემოხსენებული შენიშვნების გათვალისწინების მიზნით საკრებულოს დადგენილების პროექტი დაუბრუნდეს მერს.

ფრაქციის თავმჯდომარე

ზვიად დგებუაძე

ქალაქ ფოთის მუნიციპალიტეტის საკრებულო

ფრაქცია „ქართული ოცნება-მრეწველები“

22 ნოემბერი 2019 წ.

დასკვნა

ქალაქ ფოთის მუნიციპალიტეტის საკრებულოს ფრაქციამ „ქართული ოცნება-მრეწველები“ ფრაქციის სხდომაზე განიხილა ქალაქ ფოთის მუნიციპალიტეტის მერის მიერ წარმოდგენილი საკითხი „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ.“

ზემოთაღნიშნულ საკითხთან დაკავშირებით ფრაქციას გააჩნია შემდეგი შენიძვნები, კერძოდ:

1. მრავალსართულიანი ს/სახლების წვიმის საწრეტების შეკეთებას გამოეყოს 100000 (ასიათასი) ლარი.
2. ა(ა)იპ „სერვისების ცენტრის“ სპეც-ტექნიკის საიჯაროდ გათვალისწინებული თანხა გამოყოფილი იქნას შესაბამისი ტექნიკის შესაძენად.
3. მრავალსართულიანი ს/სახლების საკანალიზაციო კომუნიკაციების რეაბილიტაციას დაემატოს 100000 (ასითასი) ლარი

ფრაქციის თავმჯდომარე

ჯემალ მიგინეიშვილი